

ФЕВРАЛЬТЬ

8-це шистонза 1941 кизоня

16 (1812)

ПИТНЕЦ 5 тр.



Комсомолонь ВАЙГЯЛЬ

ВЛКСМ-нь МОРДОВСКИЙ ОБКОМЪ И САРАНСКИЙНЬ ГОРКОМЪ ГАЗЕТАСНА

ЛИСЕНДИ

9-це КИЗОСЬ

Адрессь: г. Саранск,
Советская ул., Дом печати.

КОММУНИСТОНЬ И БЕСПАРТИЙНАЙНЬ СТАЛИНСКИЙ БЛОКТЪ КАНДИДАТОНЗОН ИНКСА

Январь 23-це шистонза ся-
вомок минь республикасонк
ушедсь избирательнай кампа-
ниясь. Пят выборовнень эса
кочкавихть депутатт СССР-нь
Верховнай Советть Националь-
ностень Советозонза и мествай
районнай, ошень, поселковой и
сельский советтнени.

Тя избирательнай кампа-
ниянь пингста улихть допол-
нительна кочкафт депутатт вы-
бывшай депутаттнень васте.
Кочкави фкя депутат СССР-нь
Верховнай Советть Националь-
ностень Советозонза, 29 депу-
тат районнай советтнени, 5 де-
путат ошень советтнени, 12
депутат поселковой советтнени
и 396 депутат сельский со-
веттнени.

Тя важнейшай кампаниянь
пингста оцю и почетнай рабо-
та должет пашкодемс агиткол-
лектифне и агитаторхне. Те-
жятть комсомолец и аф союз-
най од ломатть—агитаторхт
советтнени ётай выборовнень
пингста няфтеть работань за-
мечательнай образецт. Синь
трудяшайхнени шарькодеви-
ста азонкшнесь Советский пра-
вительствать внешний и внут-
ренний политиканц.

Тя пингт республикаса лу-
вондови 649 агитколлектив,
конатнень эса работай 9.871
агитатор.

Аф кржа агитколлектифт и
агитаторхт населениять ётка
вятихть систематически боль-
шевистский агитация. Ковыл-
кинский райононь Кочкаева
велень од ломанень агиткол-
лективсь (руководительсь Ма-
ловский ялгась) колхозникнень
ётка аккуратна ётафни разнай
темас беседат. Тундань виде-
мат и сёра урядамат пингста
агитколлективт сембе членон-
за якальхть полевой и трак-
торнай бригадатнени, коса
колхозникнени и тракторист-
тнени лувондохть газетат и
тиендельхть международнай по-
ложения колга беседат. Тя
велень «Память Ленина» кол-
хозсь успешнайста ётафтозень
хозяйственной работанзон, эсь
пингстост пашкодезень госу-
дарственной обязательстванзон,
жуватанзонды аноклась цебарь
зимовка и цебарьста аноклай
тундань видема кампанияни.

Цебарьста работайхть В. Се-
лица велень (Зубово-Полян-
ский район) агитаторхне Ша-
ногова и Семенова ялгатне.
Синь кода Ленино-Сталинский
комсомолонь четт и агита-
торхт, колхозникнень ётка си-
стематически тиендихть бесе-
дат, ноляйхть бригаднай стен-

ной газетат.

Комсомольский организация-
тнень и комсомолецнень-агита-
торхнень важнейшай задачасна
аши сян эса, штоба эрь из-
бирательти толковайста азон-
домс ётафтови выборовнень по-
литический смысласнон, азон-
домс населенияти избиратель-
най законть и сатомс сян,
штоба эрь избирательсь не-
бярьста содалезе избиратель-
най законть кажнай пунктонц.
Эрявихть знакоминдамс изби-
рательхнень трудяшайн депу-
татонь советтнени выдвину-
тай кандидатуратнень мархта,
азондомс тейст синь общест-
венно-политический и производ-
ственной деятельностьснон и
вятеме агитация советтнени
синь кочкамаснон инкса.

Трудяшайхне XVIII Всесо-
юзнай партийнай конферен-
циянь чествь родинаньконди
аноклайхть достойнай подар-
кат. Агитаторхне должет воз-
главить синь ётксост полити-
ческий и производственной
подъемт, нинге сядонга вяр-
кепомдемс социалистический со-
ревнованиянь знамять, келеп-
темс стахановский движениять,
штоба сембе предприятияне,
колхозне, совхозне, МТС-не
васьфтелезть тя знаменательнай
датать и советтнени кочкама-
тнень производственной од
сатфксса.

Агитколлективнень работасна
эряви ладямс стане, штоба
большевистский агитацияса
улень фатяф сембе населениась.
Тянка эрявихть использован-
дамс агитмассовой работань
сембе метоттне. Избирательнай
участкаса, изба-читальни-
са, агитпунктса, клубса избира-
тельхнень культобслуживания-
на тяфтажа эряви организова-
дамс образцовайста, тянка
широкайста использовандамс
художественнай самодеятель-
ность: хоровой кружокнень,
агиткультбригадатнень и ста-
тов.

Организационнай и агитмас-
совой работат образцовайста
ладяманц вельде коммунистонь
и беспартийнайнъ сталинский
блочки обеспечиндатама од
блестящай победа, няфтёсак
нинге весть советский народт
морально-политический един-
стванц, сонь пецтома предан-
ностонц Ленинон—Сталинон
партиянь тевонцты!

Кочкасакь трудяшайн депу-
татонь советтнени советский
народт достойнай представи-
телензон, конат анокт максомс
сембе вийснон коммунизмать
тевонц инкса.

ЛЫЖНАЙ КОМСОМОЛЬСКИЙ КРОССТЪ ЧЕСТЬС

Лыжниконь командась (10 ло-
матт) во главе ВЛКСМ-нь
Темниковский райкомть секре-
таренц Акимов ялгать мархта
февральть 7-це шистонза лы-
жаса тусь Темниковста Сара-
нский. Походсь лемтьф лыжной
комсомольский кроссть и

РРКА-ть XXIII-це годовщи-
нань честьс.
Командась ётай кафта ся-
дошка вайгяльбе.Саранский сай
февральть 9-це шистонза.

А. Дрянев.

Саранск ош.



Январь ковть песта Москуса ульсь народнай образованиянь руководящай работникнень
Всероссийский совещаниясна.

СНИМКАСА: М. И. Калинин ялгась выступает совещаниянь участникнень инголе.
Фотось А. Грибовскийть (Фотось ТАСС-ть).

СССР-нь Верховнай Советть Президиумонц председателенц М. И. КАЛИНИН ялгать телеграммац США-нь Президентти Рузвельт г-нти ФРАНКЛИН РУЗВЕЛЬТОНДИ США-нь ПРЕЗИДЕНТИ

Президентонь постс Тонь тага
кочкамаценъ мархта, благобо-
лите примамс монь седивакс-
кань поздравлениянень, а тяф-
та жа Тейть личной счастья-
нь и американский народт про-
цветаниянцты инь цебарь по-
желаниянень.

М. КАЛИНИН.

1941 кизонь январь 27-це
шистонза.

США-нь ПРЕЗИДЕНТТЪ РУЗВЕЛЬТ г-нтъ ТЕЛЕГРАММАЦ СССР-нь ПРЕЗИДИУМОНЦ ПРЕДСЕДАТЕЛЕНЦЫ М. И. КАЛИНИН ЯЛГАТИ

Его превосходительствати
Михаил Калининти, Советский
социалистический республи-
кань Союзнъ Верховнай
Советонц Президиумонц
председателенцты МОСКУ
Няк ценю Ваша Превосхо-
дительствать эзда получаф се-
диваксакань поздравлениянень
Соединеннай Штатонь прези-
дентокс монь кочкамазень мар-
хта и счастлива-нь отвечаем
взаимностьса Тонь цебарь по-
желаниянень.

ФРАНКЛИН РУЗВЕЛЬТ.

1941 кизонь февральть 6-це
шистонза.

ПАНЖЕВСЬ МОЛДАВИЯНЬ КП(б)-нь ВАСЕНЦЕ СЪЕЗДСЬ

Февральть 6-це шистонза Ки-
шиневса, Краснай Армиянь Дом-
са панжевсь Молдавиянь (боль-
шевиконь) коммунистический
партиянь васенце съездон. Съе-
зда присутствовандай 209 деле-
гат решающей и 70— совеща-
тельный вайгяль мархта. Пан-
жемок съездть, Молдавиянь
КП(б)-нь ЦК-ть секретарец Бо-
родин ялгась корхтась респуб-
ликать политический, хозяйст-
веннай и культурнай эряфсон-
за пяк оцю успехнень колга.

Бурнай овацияса васьфнесазь
съездть делегатонза почетвай

президиуму ВКП(б)-нь ЦК-ть
Политбюронц во главе Сталин
ялгать мархта кочкамаснон кол-
га предложениянь.

Единодушна кемокснесь шинь
повесткась Молдавиянь КП(б)-нь
ЦК-ть кочкаманц, ревизионнай
комиссиянь кочкамац.

Молдавиянь КП(б)-нь ЦК-ть
работанц колга отчетнай док-
лад тись Бородин ялгась.

Оцю воодушевлен ияса ульсь
примаф приветствия Сталин ял-
гати.

(ТАСС).

РАБОЧАЙХНЕНЬ ПОДАРКАСНА

XVIII-це партийнай конфе-
ренциянь лемса социалистичес-
кий соревнованиясь кеподсь од
производственной подъем минь
странань трудяшайхнень ётка.
Котониннай фабрикань рабо-
чайхне эсь собраниясост, кона
посвященнай XVIII-це парт-
конференциянь созывонц кол-
га сообщенияти, сявонцть
эсь лангозост обязательстват,
конатнень пашкоткшнесазь
честь мархта.

Фабрикань комсомолецне, су-
вамок социалистический сорев-
нованияти, няфнихть произ-
водстваса стахановский рабо-
тань показателхть. Организа-
цияса 46 комсомолецть эзда
12 каннесазь стаханове-
цонь и ударниконь почетнай
лепнень, пашкоткшнесазь нор-

маснон ламода вельф. Ветлу-
гаева комсомолкась (агрега-
тонв загрузицась) норманц
пашкоткшнесь 176,7 про-
цента, Лузгина, Зотова и Кур-
маева комсомолкатне трудти
честнай отношенияснон вельде
сатсь сян, што нормаснон
пашкоткшнесазь 150—155
процента.

Тяфтама комсомолецта и
комсомолкада лама, конат
кельгомок тейст порученнай
работат, лувондовихть фабри-
каса инь лучшей работникокс.
Тяфта, комсомолецне Жукова,
Бурмистрова, Кодакин и лама
лият коновъ производственной
нормаснон фалу пашкоткш-
несазь вельф.

Морев.

80 ОБОРОННАЙ ЗНАЧИСТ

Якстерь Армиять XXIII годовщаницы Од Выселкань средний школань ученик-не вятихть деятельнай анокла-ма работа. Синь организован-дасть 3 обороннай кружок, конат планн коре неделяти колмокетъ этафнихть заня-ит. Анокласть ни 80 значи-ст: ПВХО-нь кружка (руко-водительсь П. К. Пироговсь) аноклаф 35 значист, 1 ступень ГСО-нь значокс норматненъ максомаса кружка аноклаф 30 значист, 2 ступень ГСО значистонь кружка аноклаф 15 значист.

Ня обороннай кружке тя-ни вятихть вишке аноклама работа РККА-ть XXIII годов-щаниц честьс.

В Обшев.

3-Полянский район.

Улихть васендетне

Краснай Армиять 23-це годовщаниц лемса лыжной комсомольский кроссонь старт-тенди лисендихть сядот цебяр-ста натренированной лыжни-конь и пешайнь командат.

Кросса участвовандамъ колга васенце заявкать мак-созе педучилищань комсомоль-ский организациясь. Тя орга-низацияса 147 комсомолец. Сембе, кода фкя, синь этазь медицинский освидетельствован-иять. Освидетельствованийть коряс 135 комсомолец могут примамс участия кросса. Нат-ненъ эзда пуронф лыжниковъ 21 и пешайнь ниле командат. Сяда комсомолец максозь ни лыжас коре ГТО-нь и БГТО-нь норматненъ.

Тя организациянь кой-кона комсомолецне, кода Березкин, Нюфтин, Прокинов, Явкин, Рус-скин, Начаркин ялгатне трени-ровочнай занятияхть пинг-ста этасть лыжаса 150—200 километрнъ.

Можна надиямс, што ня ком-сомолецне соревнованийъ эса няфтихть блестящай резуль-татт.

Педучилищань комсомолец-ненди кроссти образцовайста анокламаса оцю левкс максетъ вбенруксь Сахаров ялгасъ, физ-культурань старшай препода-вательсь Артемов ялгасъ и физкультурань преподавательсь Мысин ялгасъ.

Фролов,

ВЛКСМ-нь Саранскийнь гор-комть военно-физкультурнай комиссиянц председателец.

МЕЖДУНАРОДНАЙ ПОЛОЖЕНИЯТЪ КОЛГА БЕСЕДАТ

М.Пашадонь средний шко-ласа этафневихть ученикненъ эткса международнай положе-ният колга беседат. Беседат-ненъ этафнесазь преподава-тельхне. Ученикне оцю мялбса кулхпонткшнесазь синь и це-бярста кармасть разбираться международнай положенийъ кизефксенъ эса.

В. Кирдяшкин,

Пурдошанский район.

ПАТРИОТОНЪ КРОССЪ

Всесоюзнай лыжной комсо-мольский кроссь павазу роди-нань од патриоттненъ—комсо-молецненъ и комсомолкатненъ эряфса кеподсь радостень и воодушевленияхъ од волна.

Мордовиять 18 районзонэзда аф полнай даннайхненъ коряс кроссь васенце шистонза стар-ту лиссь колма тэжянда лама комсомолец и комсомолка. Крос-сонь участникненъ эзда 95 процентсь максозь ГТО-нь комп-лексонь лыжас коре нормат-ненъ.

Якстерь Армиять 23-це го-довщаниц лемса лыжной ком-сомольский кроссь 1-це шис-тонза Торбеевский районца старту лиссь 400 комсомолец, конатненъ эзда 375 комсомо-лец и комсомолка максозь лыжас коре ГТО комплексонь нормат-ненъ.

Аф калдыаста васьфтезе кроссь 1-це шинц Рыбкинань комсомольский организациясь. Кросса участвондась пцтай 200 ломань, конатненъ эзда инь оцю лувкссь максозь лыжас коре ГТО-нь значокс нормат-ненъ. Но эряви азоме, што

ВЛКСМ-нь башка райкомтне и первичнай организацийтне кроссонь 1-це шиста нодастъ оцю аф сатыкт. Лама райкомт и синь секретарьсна февральть 2-це шистонза ашестъ машта кроссь организовадама.

Вов, например, сясвасъ ВЛКСМ-нь Ширингушский рай-комть (секретарь Кучерова ялгасъ). Сон комсомольский кроссь организовадамаса эсь бездеятельностенц ёрасы азоме разнай субъективной и объективной причинаса. Сон корхтай, што районца комсо-молецне февральть 2-це шис-тонза кросса ашестъ участво-нда, сяс мес улсь пяк якшама. Кучерова ялгасъ! Вдь лия райот-тненъ эса тяфта жа улсь як-шама, но тоса комсомолецне крос-са примосестъ инь активной участия. Кучеровась, видима, учссы апрельть и майть, мзяр-да лямбонди. Но тейнза эряви азоме, што майста лыжной кросст аф эряихть.

Тяфтажа калдыаста органи-зовандафоль кросса комсомо-лецненъ участиясна Теньгу-шевский районцовок (ВЛКСМ-нь

РК-ть секретарец Казанцев ял-гасъ), Козловский районца—райкомонь секретарь Шеми-ров ялгасъ.

Кроссь правильнайста и ор-ганизованнайста этафтомаса ащи главнай аф сатыксосе ся, што ВЛКСМ-нь лама райкомт-не и военно-физкультурнай ко-миссиятне календарнай планц-нон эса кроссонь этафтома шинди арьсезь аныдек выход-ной шитненъ. А февральста—аныдек 3 выходной шит илядсь. Конешна, ня колма шитненъ пингста кроссь аделама аш-кода. Вов тянкаса эряви рай-комонь секретарьхненди инь маластонь пингть тя тевсь ор-ганизовандамс стане, штоба фкявок комсомолец афоль иля-да кроссь эса апак участво-вандак.

ВЛКСМ-нь ЦК-сь, тиемок кроссь 1-це шинцы пример-най итогть, лувозе, што сембе ня аф сатыксне эрявихть маш-фтомс инь маластонь пингть и сяда процентс фатымс сембе комсомолецненъ кросса участ-вовандамать мархта.

А. Драняев.



СНИМКАСА: Zubovo-Полянский средний школань физкультурань преподавательсь Нина Ивановна Елпестратовась 9 «В» классонь ученикненъ мархта занятияхть ушедомда Фотосъ Веретениковть.

КОМСОМОЛЕЦНЕ ТОНАФНЕМАСА АЩИХТЬ ПРИМЕРКС

Школьной комсомольский ор-ганизациятне тонафнема киз-отъ достотнайста аделаманц инкса тюремаса няфнихть под-линна большевистский кепотъ-кет.

Тонафнема кизотъ 1-це по-лугодиянц пингста районнь сембе комсомолецненъ ученик-ненъ абсолютнай успеваемость-сна кассь 90,5 процентти мо-леме, а посещаемостьсна—96,1 процентти молеме. Илякс мяр-гоме, комсомолецненъ успевае-мостьсна ученикненъ общай успеваемостьснон коряс 8,9 процента сяда оцю.

Тонафнемаса аф калдыав кепотъкет няфнихть пионерх-невок. Синь общай успевае-мостьсна составляет 91,2 про-цент, а посещаемостьсна—96,1 процент.

Районца аф кржа школьной комсомольский организацият тонафнема кизотъ омбоце чет-вертени пингста энергичнай работать вельде сатсь пяк оцю успехт. Например, Ковылкин-ский средний школань комсо-молецненъ успеваемостьсна вас-сенце четверть эзда улсь 86,3 процент, а омбоце чет-вертьста кассь 96,4 процентти молеме.

Виде, районца улихть пер-вичнай организацият, коса нинге аф сембе комсомолецне тонафнемаса ашихть примеркс. Тяфтамкс лувондови Чепурнов-ский НСШ-нь комсомольский организациясь (секретарь Ва-син ялгасъ). Тясса комсомолец-ненъ успеваемостьсна, аныдек 62,5 процент. Тя фактс кор-хтай сян колга, што комсо-мольский организациясь шко-ласа воспитательнай работать эзда ащи нинге ширеса, сон ашезень мобилизованда эсь виинзон ВЛКСМ-нь ЦК-ть X-це пленумонц решениязон пашко-демаснонды.

Ковылкинский и Кочелаев-ский средний школатненъ эса аф калдыаста ладиф социали-стический соревнованийсь, ко-нанди пяк аккуратнайста ти-ендехть икот.

Тяда башка нят школатненъ эса цебярста ладиф методи-ческий работаске. Нят шко-латненъ эса мастерски этаф-невихть учительхненъ-предмет-никненъ и класснай руководи-тельхненъ открытай уроксна, конатненъ результатсна обсу-ждандакшневихть педсоветани-ятненъ эса.

Мекольденъ пингть эзда Ко-вылкинский средний школаса организовадаф юннатонь кру-жок, конань участникзон мархта регулярна этафневихть занятия. Тя кружоксь курок-ста кармай касфнема кролит и лия животнайхть. Тяфта жа тясса ученикне пяк оцю анок-лама работа вятихть идень художественнай олимпиадаты.

ВЛКСМ-нь райкомть видеса школьной комиссиясь (предсе-дательсь Захарова ялгасъ) пи-онервожатайхненъ и школань активть мархта аккуратна этафин семинархт. Тяфтамс семинархт этафневихть шко-латненъ эсовок. Нят сембе ме-роприятиятне пяк лездыхть ученикненъ успеваемостьснон сяда оцюста касоманцы. И ули основания мяргомс, што районнь школьникне тонаф-нема кизотъ колмоце четвер-тени XVIII Всесоюзнай пар-тийнай конференцият лемса социалистический соревновани-янъ знамят ала аделасазь аныдек цебярста и отличнай-ста.

К. Чугунова,

ВЛКСМ-нь Ковылкинский райкомть секретарец.

МЗЯРДА УЛИХТЬ АНОКТЪ

Лама комсомольский органи-зацият примастъ ни участия Краснай Армиять 23-це годов-щаниц лемса лыжной комсо-мольский кросса. Комсомолецне и комсомолкатне демонстриро-вандазь эсь ловкостьснон, вы-носливостьснон и закалкаснон. Тя работас лама организаци-янди нинге эряви тиемс, но кой-кона комсомольский ор-ганизациятне кроссти участиянди аф анокт. Именна тяфтамс по-ложениясь республиканский больничань комсомольский ор-ганизацияса. Тя организация-са сембоц 35 комсомолец, ко-натненъ эзда аныдек сонць ВЛКСМ-нь комитетть секретар-ец Юматова ялгасъ трени-руется, а иляды комсомолецне мянь тачимс лыжатненъ лангс ашестъ стаякшне.

ВЛКСМ-нь ЦК-ть видеса кроссь этафтоманц коряс ор-гомитетсь мярьгондсь, штоба кросса участникне эталезь меди-цинский освидетельствованийъ. Тя задачатъ должетольхть обеспечиндамс комсомоль-ский организациянь секретарь-хне. Но и тянге ВЛКСМ-нь комитетсь ашезе ушеткшне.

Мес тяфта лисенди? Ответсь может улеме фкя, што ВЛКСМ-нь комитетсь беспечнайста отнес-ся оцю важностень задачатъ пашкодемандцы, ашезе пачфте комсомолецненъ сознанийс лыж-най спортть обороннай и оздо-ровительнай оцю значениянц.

ВЛКСМ-нь комитетть членон Василийева ялгасъ сян васте, штоба улеме васень ряттненъ эса тренировочнай минимумть эта-маса, сонць фкявок километра ашезь эта. Тяфтамс жа ке-потъкет няфни комсомольский организацият секретарец за-местителец Макарова ялгаске.

Комсомольский организация-ти эряви использовандамс иля-дыкс пингть и сатомс сян, штоба кросса участия прималь-ерь комсомолецсь, ВЛКСМ-нь ко-митетть членонзонды пинге ни машфтомс кроссь колга вред-най мяльт. Пинге ни шарх-кодемс сян, што военно-физ-культурнай работас комсо-мольский организациятненъ ответственной и почетнай тев-сна.

И. Белов.

Саранск ош.

ПЕДИНСТИТУТОНЪ ОТЛИЧНИКНЕ

Аф кунара Мордовский пед-институтса аделавсь экзамена-ционнай сессиясь. Лама сту-дент, упорнайста тонафнемок программнай материалъ, по-лучакинихть глубокай зна-ния.

Вов, например, исторический факультетонь III курсонь сту-дентне Дорожкин, Юнин, Бу-кин, Гречишкин, Гордеев, Бо-чкарева ялгатне сембе дисци-плинатненъ коряс экзаменттненъ максозь отличнай оценокса.

Тяфта жа аф калдыав успе-ваемость сатсь литературнай факультетонь студенткатне. Лизяева, Дмитриева, Осипова, Башкатова и лама лия ялгат-невок.

Ня студенттне ушедозь то-нафнема кизонь 2 полугодият, конань пингста тяфта жа арь-сихть кемокстамс сатфксенъ—тонафнемс отличнайста.

В. Москин.



СНИМКА: Zubovo-Polyanskaya средняя школа ученица-отличница Щукина Нина и Зина Дусяев.

Фотос Веретенников.

4 КЛАССТЬ АДЕЛАСА ОТЛИЧНАЙСТА

Тейне кұрок топоди 10 кизот. Тонафиян Куляз велень начальнай школань 4 класса. Ушedomок тонафнема кизот, мон сувань ялганень мархта социалистический соревновани-ис и сявонь обязательства тонафнема анык отличнаиста.

Тяни максонь вал, што 4 классть аделаса анык отлична и терьнесайне тяфта тонафнема сембе ученикнень.

Александр Серьгишкин.
Краснослободский район.

Мес аф йотафневихть сборхт?

Сейтяновкань начальнай школань пионерхненъ ётка мекольденъ пингть кодамовок воспитательнай работа аф ятеви. Виде, фкя сбор ульсь ётафтф нинге ноябрь ковета, но сядя меле атак ётафт фкявок. Пионервожатайке работай В. М. Куляков, конац ашезтпенде фкявок беседа пионерхненъ ётка.

Минь, пионерхне анялтыа ВЛКСМ-нь Рыбинский райкомти, штоба сон кошардолезе Куляков ялгаты работам.

А. Мишин.

Производства строжайшай экономиять инкса

Сталинградский тракторный заводонь комсомолецнень экономиять колга инициативасна мусь кели отклик Саранск ошненъ комсомолецнень ширде. Февраль 6-не шистонза предприятияа ётасть специальнай комсомольский собранийт тя кизефксть коряс. Тя шиня хлебокомбинатонь комсомолецне эсь коллективност-собранияса, кода марьгондихть, по душам корхтасть тя кизефксть колга. Синь корхтасть производстваса сатфксон и аф сатфксон колга. Например, указывали синь ланге, што комбинатсь январь ковета марнек месячной производственной норманц пашкодезе 123 процентс, а башка пехне, кода кандитерскийсь—150 процентс. Комбинатсь ётай кизотке планонь пашкодема коряс РСФСР-са тя отраслять коряс заняе васенце васттнень эзда фкять.

— По аф ваномок сембонь тянь ланге,—корхтай комсомольский комитетт секретарец Егоров ялгась,—экономиянь областса тейнек сави тиемс нинге пик лама. Тя тевса минь ашетьа ламода фтала странать требованинзон эзда. Мезьста няеви экономиять инкса минь калдыа тюреманеке?—сяда тов корхтась Егоров ялгось,—васендакиге сянь эзда, што садчикне примесазь эсь сменасон апак проверак, мезть

сюнеда эрь смена 15—20 килограмма почф плиткшин пярфста тиксти. Башка рабочайхне кшитть уском-стонза аф кочкесазь вагонетка прайф кни буханкатнень, а тапайхть синь лангаст, марьгат, бта сёвонь плодом ланга.

— Особенна лама потеряда эрий мешкотаратнень эса,—поладозе Карева ялгась,—грузчикне рдазу, атоначка пилкесон мархта якайхть кясафнень ланга, нафнесазь синь, а тоса кяскавграйти тиеви корка, кона почфсь ни меле аф пчкый употребленинди. Тяфта минь кой-конат грузчикнень невежествасон сюнеда юмафнема сядот килограмма почф.

Собранияса тяфта жа няевсь, што лишнай средстват кархцесвихть и антисанитариять сюнедонга. Особенна тя няеви спешеджидатнень эса. Ламонь рабочайхненъ эзда 2 кода ламос аф каннесазь эсь спешеджидасон. Мес? Да сяс, што синь вап, ато и рдазу кядьсон аф шписазь, а нарнесазь спешеджидати, а омбоцесь—ся сязевожа коданга аф оцю вастоня, сон аф стасазь, а катсазь тяфтак.

Лама экономия можналь тиемс и уштомбальсонга. Кода правила, тьса эрь выпечкада меле пенакутне лишнай пале

част ашихть тяфтак, а пенгаст плхтайхть.

Тяфтама положенийт сатчикне азонкшнесазь сянь мархта, што аф кенерькшин шапакссь. Но вдь можналь тиемс стания, штоба шапакссь кенерель. Сатчикнень ёткаста мушпендовихть «знатокт», конат лувондсазь тянь прокс нормальнай явлениакс, бта плитать эждеме эриви самай кржа 30 минута.

Кода аф странна, тя гнилой теориять поддерживали и башка комсомолецневок, кода сатчиксь Кочетов ялгась. Но стахановецнень работань опытна марнек опровергает тянь. Синь няфтезь, што 10 минутась танди прокс саты.

— Сявоме электросветть,—корхтайхть комсомолецне.—Тя сонга можна тиемс оцю экономия. А минь нинге лисенди стания, што коза вполне можна пучоме 40 вольтнай лампочка, пучнихть 100 свечевай.

Корхтамась молеь корридорхненъ колга, именна тоса тяфта ашесь тевсь.

Комсомолецне собранияса, кода фкя, высказались строжайшай экономиять инкса. Синь эсь решениясост сёрматсь, што пачфтемс до минимума потеряйтнень. Тянь инкса комитетт видеа организовадасть специальнай комиссия.

М. Сайгин.

СТАХАНОВЕЦЕНЬ СЕМИНАР

Велень хозяйствань лучшей передовикнень работань опытнон распространениясон инкса Ст. Сидоровский райзоь пуроптозень районца колхозонь инь лучшей стахановецнень и стахановкатиень 10 шинь семинарс. Тьса ётафневихть ефремовский работань метоттнень колга лекцият и путневихть конкретнай задачат сянь колга, кода можна сатомс эрь гектарста 100 пудовай урожай.

Семинарса участвовандайхть оцю урожайнь звеньевыхне, конат 1940-це кизоня сатеть

ни 100 пудонь сёра эрь гектарста. Вов, сяваськ «Красное приволье» колхозонь звеньеводкаты Бородинна ялгаты. Сон, организовандамок социалистический трудонь метоттнень основаса марнек звенать работанц, вьтемок соцсоревнования и ётафнемок эряфе агротехнический меропритиятнень, сатсь эрь гектарста 100 пуд урожай.

Эрь звеньевойсь и стахановецсь тьса подробнайста азондсазь эсь работань опытнон, касфнесазь агротехнический зна-

ниясон теоретически и аноклайхть по-большевистски сай кизоня оцю урожайнь получа-мати.

Агротехнический знанияда башка, семинаронь участникнени ётафтф «международнай» положенийт колга обстоятельнай лекция, СССР-са мекольденъ новостнень колга беседат, тонафневихть партиять и правительствать решениясна.

Тултаев.



Ленинонь ошса.

СНИМКА: Книгань Домсь. Фотос Уткинть (Фотос ТАСС-ть).

АНТИРЕЛИГИОЗНАЙ РАБОТА АШ

Оцю интерес проявляли Каньгуж велень средний школань ученикне антирелигиознай работати. Синь пцтай сембе сувасть СВБ-нь организацияти членке, и эсь васень собраниясост руководителксы организацияти кочказь Бирюкова О. Г. ялгаты. Казалось, што Бирюкова ялгась развернет школаса тя работать, но тевса лиссь меклангт. Виде, Бирюкова ялгась васенда ёразе ладямс тя работать, но сяс мес аш сонь тя областса работань опытоц, сон ашезе сода мезьста ушedomо сонь. МОПР-нь руководителсь Сабав ялгась азозе:

— Да, сюнемс минь сембе мастерхтама, а лездомс—кивок аф. Давайте лездода ушedomо тевть, мон оцю мяльса карман работам.

Вполне справедливайхть Сабав ялгаты валонза. Аф кржа нинге миньцонок тяфтама случайда, мзярда ялгати максыхть работань ответственной участка, но тейнза аф лездыхть.

Пинге ни руководителхненди атказамс работань тяфтама практиковать эзда, мзярда анык требуют, а аф лездыхть.

Л. Икомасов.

Ельниковский район.

ТОНАФНЕК ПЕРВАЙ ПОМОЩЕНЬ МАКСОМА

Первай помощь врачть сазомонза лама случаяста ащи инь простой тевста, кона достуннай кажнайти. Однак атак маштт и аф правильнайста помощень максомась может кандомс оцю вред. Аф стак фкя английский хирургонь колга, кона случайна синдезе пилгонц ульяса, корхнихть, што сон, учесмок терьтф врачть, байтекса панцесь сострадательнай прохожайхненъ эса, сяс мес пельсь синь «офтонь услугасон» эзда.

Первай доврачебнай помощень основной и инь пик простой приемтнень содамасна кондисти мирнай обстановкас и войнасонга. Помощь эриви максемс курукста, четкайста, кодамовок суетливостфтема и суматохафтома, тевть цебарьста создаз.

К сожалению, мянь тя нинге применядакшневихть эфси аф вернай и вреднай «домашней» и «народнай» пик лама средстват. Тя, конешна, аф корхтай сянь колга, што сембе синь ковга аф кондяхтихть.

Медицинаса, например, пик келиста применядакшневихть тяфтама «народнай» средстват, кода шиповниксь, «постуфонь сумка» тишесь и лият. Но синь употребляют наукарь мархта выработаннай способнень коряс. Минь максетяма нюрхкия советт первай медицинский помощень максомать колга инь пик распространеннай несчастнай случайхненъ пингста. Ялгатнени, конатнень ули мяльсена сядя подробнайста тонадомс медицинский первай помощень максомать, рекомендуем тейст лувомс «Готов к санитарной обороне» книгать, конань нолдазе Медгизсь Селескиридити и Федоровть редакциясост.

Угарсь

Угарнай газть эзда отравленись эрьси калдыаства проветриваемай помещениаса галланкатнень и пенакутнень аф правильнайста уштомасон пингста, трубань пик рана пандомать сюнеда, мзярда нинге пенгати или угольсь аф палыхть прокс и аф маш-

тыхть сенем толхне. Угарнай газть шинец аяш, аяш вкусон и цветоц. Тя сонь тиендсь пик страшнайк: ломань, кона ащи отравленнай помещениаса, аф марьсы смертельной опасность, кона сонь учсесь. Мезе эриви тиемс, мзярда ломань предид? Васендакиге пострадавший эриви лифтес отравленнай помещениаста. Сонць помещениась эриви небарьяста проветрити: келиста панжемс наружнай кенькишнень, вальматнень, форточкатнень.

Васендакиге эриви максоме первай помощь инь пик пострадавшийхненди, конатнень лоткась дыханиасна. Дыханиясь эриви восстановить сембе доступнай средстватнень вельде, анык сядя меле ули кода лувомс, што васенце опасность машффт.

Кода эриви восстановить дыханиять? Бда сон цютые марьви, поверхностьна, то эриви применить нашатырный спирт, пркшамс кельме ведьса. Тя лезды дыханиять восстановидаманити и ёжень сафтомати. Миялфотсь анык, што нашатырный спиртсь ламода аф стама безобиднай средства, кода

сонь ламотне лувондсазь. Никсамс нашатырный спирт эриви максемс ватаньса, а аф пузырёкста, сяс мес аф осторожнай обращениять сюнеда спиртсь можна пярдемс и пидеме аф анык кедть, но и сельмотнеге. Тьда кенорда лама нашатырный спиртонь максома: макседа никсамс настойчивайста, но осторожнайста, мзярс грудной клеткаць деленияц кармай няевома.

Бда раздражающей средствань вельде дыханиять восстановидамац ашез удала, тиеда искусственной дыхания. Искусственной дыханиянь способта лама. Сембонь синь улихть достоинствасна и аф сатыксна. Инь распространеннай способке лувондови Сильвестрть способон, кона сяка пингова ащи и инь доступнайк. Сон применядакшневиди (бда аш наружнай верхний конечностень поврежденийт) иредемать пингста, ваямста, электротоконь пораженияста и лама лия случаяста.

Сильвестрть способон коряс искусственной дыханиясь

Пострадавший матневи кунф. Лапатканзон алу пучода одежаста валик или полана, кона ашкотф мезьса нибудь ляпса, штоба пострадавший мяштец улеь кепотф. Пряиц шарфотсть боку. Проверясть—аш ли курга потмосонза посторонний предмет (тина, мода, лийнь галька, пучф пейхть и лия). Килец должен улемс куркстонза лихтьф и кемокстамс стамка положениаса. Бда искусственной дыханиять ётафнесы фкя. ломань, то сон арай пострадавший припес, кундасыне сонь кядензон кенерь-пакарь видеста и, апак кенордак, явштсьне синь припиз эзда аф пьконя шири. Грудной клеткац келеми, и тиеви вдох. Тяфтама положениаса фкя кафта секундань пинге пострадавший кядензон кирдемек, синь пучнесазь первоначальной положениязост—пострадавший тифтень бокова. Грудной клеткась спадаст, и тиеви выдох. Пострадавший кядензонды

(Полатксон 4-це страницаса).

АНОКЛАЙХТЬ КОЛХОЗНАЙ КАДРАТ

«Кадратне — решают сембонь» — корхнесь Сталин ялгась. Вождть пят замечательнай валонза ащихть тейнек программнай документокс. И синь эрифс этафтомасна ащи эрь руководительти почетнай задачкас.

Цебярста пашкотькшнесазь тя задачатъ Покрово-Селища велень руководителхне. Кол-

хозсь организовансась курст колхознай кадрань анокламать коряс. Пят курсень эса тонафнихть 3 бригадирхт и 15 звеньевыхть. Тяфта колхозсь обеспечит эсь бригаданзон и звенанзон квалифицированнай кадраса.

Н. Учаев.

Зубово-полянскый район.

ПРОИЗВОДСТВАТЬ ЭЗДА АЕРДСТЬ

Республикаса комсомолецне няк оцю энергияса тюрихть сталинскый урожайнь сатомать инкса. Синь эсь виисот лездыхть колхозенди ловонь кирдемаса, местнай удобрениянь кочкамаса, видьмотень триеровандамаса и вельхозинвентартъ ремонта.

Но эфси аф тяфта ащи тевсь С. Сазань велень первичнай комсомольскый организацияс (секретарь Тропин ялгась). Тя организациясь производувать эзда эфси аердсь. Сон эсь собранинзон эса фалу ванонды комсомолецнень дисциплинасон колга и лия кизефкст. Но актуальной кизефксень, кода тундань видемати анокламать, лыжной комсомольскый кроссь

этафтоманц колга, этнесыне вакса.

«Победа» колхозса пяк калдывста ладяф трудовой дисциплинась, колхозть руководителенза пьанствондамда башка мезевок аф тиендихть, а комсомольскый организациясь тяфтама безобразиятень каршес аф вяти кодамовок тюрема.

Комсомольскый организациясь кодамовок мяль аф шарфни оборонно-физкультурнай тевть ширивок. Тяс 8 комсомолецнень эзда фкявок комсомолецне участвують лыжнойкомсомольскый соревнованиятень эсовок, а одломаттень эткса оборонно-воспитательнай работат колга аш мезе корхтамска.

Д. Юнкин.

Ковылкинский район.

МАШФТОМС БЕЗОБРАЗИТЬ

«Красная Ожга» колхозса сембонь кафта бригадат, конатнень эса лувондови 45 алаша. Кода няеви, лувкссь аф оцю. Но кда варжасась кода ладяф синь мельгасть якамась, кода андовихть, то видеста можна мирбогос—калдывста. Алашатне ащихть фкя кардса, симневихть фкя вастса, якыхть дворга сембе алашатне марс, а тинь сюнеда таниень пингть аф шумбра алашатне могут заразить илядыхненьге

Колхозонь руководствась, содамок тяфтама безобразиять, тачимс кодамовок мерат аф примси. Ветсанитарсь И. Е. Сидянкинц эфси аф сувси алашатнень варжамовок.

Алашатнень упитанностьсна калдыв, конюхнень мельге аф вятеви кодамовок контроль.

«Красная Ожга» колхозонь комсомольскый организациясь сембе ня безобразиятень цебярста содасыне, но алашатнень мельге якамать цебяргофтоманц инкса аф вяти кодамовок тюрема. Колхозть руководстванцы и комсомольскый организациати тя тевсь эряви инь маластонь пингть цебяргофтомс, и сатомс синь, штоба колхознай алашатне улельхть аф анычек пчкафтф, но пачфтемс синь цебяр упитанностьс.

М. Тарадаев.

Шайговань район.

ЕВРОПАСА И АФРИКАСА ВОЙНАСЬ

Английскый войскане, конат мольфтихть операций Севернай Африкаса, февральть 4-це шистонза сувасть Кирене укрепленнай ошти (Дервать эзда 75 километрань вастса) и таниень пингть молихть Бенгазити—Средиземнай морятъ Ливийскый побережьясонза крупнай итальянскый портти.

Итальянскый Восточнай Африкаса англичатне наступают колма ширде, сембе вастова потафтыхть итальянецнень эса.

Итальянскый и английскый сводкатнень эса корхтави авиациять сембе фронттень эса активностенц колга.

Погодатъ калдывгодоманц сюнеда албанскый фронтса военнай действиятне ламода кирсть. Сембе сяка грекне штурмаса сявуть важнай стратегический пункт и занясть несколько вел фронтъ центральной секторсонза.

Морской побережьяса, Химарать эзда сяда север и северо-восток ширеса, положениась переменафтома. Тя сектора местностьс пяк аф благоприятнай крупнай военной операциянь вишконтеманди, сяка этктъ итальянецне тяса запихть господствующай позиция.

Германскый авиациясь ня питнень тись лама налет Англиять ланге. Бомбардировандафоль Лондонц. Февральть 5-це шинц карша веть английскый авиациясь тага ушедозень налетнень Германиять ланге и сонь мархтонза оккупировандаф территориятень ланге ламода сяда оцю масштабса, чем мекольдень кафта неделятнень пингста. Ламос бомбардировандафоль Бюссельдорфсь—Северо-Западнай Германияса промышленнай ошсь. Сембода оцю активность английскый бомбардировщикне няфть оккупированнай Франциять побережьянц велькса, коса ащихть кода марьгондихть «вторжениянь базатне». (ТАСС).



Индийскый солдатне Западнай (Ливийскый) пустыняса.

Фотось (ТАСС-ть).

ВОЙНАТЬ И АНГЛИЯТЬ РАСХОДОНЗА

Кода пачфнесы Рейтер агентствась, финансь английскый министр Кинголи Вуд, военнай расхотнень вастс кредитонь максомат колга законопроектъ общинань палатати кемокема максомстонза азозе, што таниень пингть средняйста арь шиня расходовандави 12 миллион 250 тежянь фунт стерлинг. Тя цифрась сяда оцю ся эрь шинь расхотнень цифрасон коряс, кона улсь этай войнань сембода напряженнай моменттень пингста, и сембе нинге стаки касы. «Тяникиге ни,—корхтай Вуд,—населениять лангс путф стака бремя, кона нинге сяда пяк касы, сяс мес минь лувондась аф анычек непосредственной и васынь пингонь потребностнень, но тяфта жа тиендытма эривике условият будущайнди». (ТАСС).

ФОРДТЬ ЗАВОДОНЗОН ЭСА РАБОЧАЙХНЕНЬ ПОЛОЖЕНИЯСНА

«Пост меридиэм» американскый газетась печатлась статья, конань эса яркайста няфневихть «автомобильнай корольть», мирса величайшай заводтнень владельцсон—Генрих Фордть предприятиянзон эса трудть условиянза.

Фордсь, сёрмады газетась, панды рабочайхненди сяда кржа, чем лия автомобильнай фирматне. Лама случайста Фордть заводтнзон эса максимальнай зарплатась сяда ёмла ся минимальнай оплатат коряс, конань ладязе автомобильнай рабочайхнень профсоюзона. Фордсь мольфти вии тюрема тя профсоюзть каршес и путне-

сыне сембе виинзон, шорямс эсь заводтнзон эса рабочайхнень профсоюзти объединениясонды. Фордть рабочайнзон аш собраниянди правасна и валонди свободасна, синь кажнай ась-колксон мельге ваныхть фордовскый шпиоттне. Газетась тяфта жа сёрмады Фордть заводтнзон эса рабочайхнень мархта обращениясь пяк оцю жестокость колга. Рабочайхнень паньцемста фордовскый полициясь нолясыне ходс пожарнай шланкнень, вехксапулоса резиновой плеттень и огнестрельнай оружиять.

(ТАСС).

РУМЫНИЯСА СМЕРТНАЙ КАЗНЯНЬ КОЛГА ДЕКРЕТСЬ

Февральть 6-це шистонза сембе румынскый газетатне печатлазь правительствань глать Антонеску генеральт од декретонц текстонц Румынияса смертнай казнянь сувафтоматъ

колга стама цельса, штоба «лоткафтомс действиятень, конат тиендихть угроза государстват эряманцы и интересонзонды».

(ТАСС).

ТОНАФНЕК ПЕРВАЙ ПОМОЩЕНЬ МАКСОМА

тяфтама движениясь этафневи примерна 14—16 ксть минутати. Йофси аф эряви тиендемс люпшема подложечнай облостезонза: тьянь вельде можна люпштамс желудкаста содержимайть пищевошти, коста сон может повомс глоткати и тиеви ляпияма.

Кда искусственной дыханиять тиендсась 2 ломатъ, синь архихть пострадавший кафта ширеванза, и кажнайсь сявондсь фкя кяденц, тиендсась сяка жа движениятнень кода тиендсьне фкя ломанц.

Шефертъ способонц коряс искусственной дыханиясь

Тиендеви сон стама случайста, мзярда улихть верхний конечностнень эса повреждениат и Сильвестрть способонц применить аш кода.

Пострадавшийс аграфневи комада (пеконц лангс), шаман боку. Прянь алу путневи пострадавшийс эсь кядец, омбопекяденц венепнесазь прянь вакса. Тяфтама помощень макссь ащи, кода марьгат, ластя пострадавшийс лангса. Пу-

томок пострадавшийс копоренц лангс кядь лапанзон, нижний ирдезонзон лангс, и фатямок сонь бокпальда, эряви люпшнемс грудной клеткастонза кожфть. Тя соответствовандай выдохти. Велямок фталу, кядень апак сявонть, лоткафнесазь люпшнемать. Грудной клеткась видеми, и тиеви вдох. Шефертъ способонц коряс искусственной дыханиясь ащи ирдезонь люпшнемать эзда (насилъственной выдох).

Иредемань пингста—первай помощень максомс аф эряви юкснемс пострадавшийс эждеманц. Примаф—и тя пяк правильнай—иредфнень лифнемс чистай воздухти, но аф фалу тя пингста заботайхть сяда лямбоняста щаманц колга, путнемс эзонза грелкат и стак тов. Максесомк помощь и пркшамок различнай лекарстваса, коймзярда пяк лама пинге и пяк оголяют пострадавшийхнень. Чистай воздухсь и лямбось—вагот основной условиятне иредфнени лезксонь максомаса.

Можна ли и эряви ли мезе

нибуть максесомс ярхпамс и симомс? Медицинскый работниконь самс можна максомс симомс крепкай и пси чай или кофия, 15—20 валериановой капля. Цебярста действовандай нашатырнай спиртонь симомс (3—5 каплят пиял стакан ведьти), успокоендакшнесы прянь сярядемань и цебяргофнесы самочувствиять. Прянь сярядемада лездыхть пси компрессне и аф шуроста—пси ведьса прянь пезомась.

Ушиппне

Ушиппнень пингста обычна сашендови иметь тев ляпектатнень и кровеноснай сосудатнень повреждениасон мархта, мзярда кедсь апак токак. Однака стака предметса ушибть пингста (кевса прятанга вачкодемста, автомобилень крылатъ мархта пеке ланга вачкодемста, вагононь буферхнень эткс люпштавомста и стак тов) эрьсехть органонь подложнай повреждениат—пряуень сотрясения и ушиб, печенень, почкань сязевомса и стак тов. Конечностень ушибсь инь лама случайста аф кири эрйфти и шумбра шити оцю опас-

ность. Ушибть вастон таргозькшнни ткантти веронь шудемать сюнеда. Версь суvasы кетть и максы тейнза окраска, кода марьгондихть народса, тиеви синяк.

Инь пяк опаснайкс лувондови потма оргаттнень повреждениасна. Тянкаса, кда ограничиваться лама случайхнень пингста конечностень и ляпектатнень ушипнень пингста ули кода инь лама случайста лоткамс люпштай соткс лангс, кона лоткафнесы верть шудемда, сяка жа целенькса и сярятьфть крьфтаманкса якшамонь применениять лангс, то потмоса органонь повреждениась веши медицинскый инь курокедонь помощь. Прянь и пеконь ушибсь кышендихть эсь эсост опасность, и тяфтама пострадавшийхнень кда можна сяда курокона няфнемс врачнени.

Ранениятне

Кедень всякай повреждениась, аф ваномок сонь величинанц лангс, может улемс стакаста сярядемань причинаке, сяс мес тясса возможнай ранатъ микробаса рдаскофтома, кона

тиенди нагноения. Эрь ранати, кодама ба сон афоль улельма, эряви относиться бережнайста. Аф эряви токсемс кядьса ранатъ, шинимс ведьса и ашкорямс кодама повсь трыпкаса. Максостъ ранатъ марнек чистендаманц медицинскый персоналти. Первай помощень максом пингста сатомшка ули ранатъ перфонц кодань настойкаса, бриллиантовой зелены или метиленовой синькань раствора вадемаське, путомс ранатъ лангс стерилизованнай марлян или, кда аш сон, чистай носовой платокста, салфеткаста коське соткс и стак тов. Марлатъ или сонь полафтома материалъ ланга путневи акша (гигроскопический) вата. Аф путневи ватась видеста ранатъ лангс—сяс мес сон сяда меле марнек аф лункфатви.

Полатксон сай №-са.

Врид. ответ. редакторсь
Дм. РОДИН.